

Ո Ր Ո Շ ՈՒ Մ

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին


15.02.2019թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյան, վերանայելով Սարգիս Մինասյանի դիմումի շուրջ ստեղծված նյութերը,

17-2-631
15.02.2019թ.

Պ Ա Ր Զ Ե Ց Ի՝



2019թ. հունվարի 29-ին Երևան քաղաքի Նոր Արեն՝ 38 փողոցի 14 տան բնակիչ Ս.Մինասյանը դիմում է հասցեագրել այն մասին, որ 25.01.2019թ. իր «Օպել» մակնիշի 97 OX 779 համարանիշի մեքենան Հանրապետության հրապարակից քարշակի միջոցով տեղափոխել են տուգանային հրապարակ և իրեն տուգանել 20.000 ՀՀ դրամ, որի հետ համաձայն չէ, քանի որ տեղում իր նկատմամբ կազմվել է արձանագրություն 123.3 հոդվածի համաձայն և իր հարցին, թե որտեղ մեքենան կայանի, տեսուչը ցույց է տվել այն վայրը, որտեղ առկա չէ նշան: Դիմումատուն խնդրել է վերացնել տուգանքը, քանի որ կանգնել է տեսուչի կողմից ցույց տված վայրում:

Դիմումի ուսումնասիրությամբ պարզվել է, որ 2019թ. հունվարի 25-ին Ճանապարհային ոստիկանության ՃՊԾ 1-ին սպայական գումարտակի 2-րդ սպայական դասակի տեսուչ, ոստիկանության կապիտան Ա.Ղազարյանի կողմից Ս.Մինասյանի նկատմամբ կազմվել է վարչական իրավախախտման վերաբերյալ արձանագրություն և, Վարչական իրավախախտումների վերաբերյալ ՀՀ օրենսգրքի 124-րդ հոդվածի 23-րդ մասի համաձայն, կայացվել վարչական տույժ նշանակելու մասին ԱԴ 808166 որոշումը՝ վերջինիս 20.000 ՀՀ դրամ տուգանելու մասին:

Ըստ տեսուչների գրավոր բացատրությունների՝ իրավախախտումը նկատելուց հետո, բարձրախոսի միջոցով մի քանի անգամ հաղորդել են, որպեսզի վարորդը մոտենա և վերացնի իրավախախտումը, սակայն վերջինս չի մոտեցել: Իրավախախտումը վերացնելու նպատակով հրավիրել են տարիանոդ ավտոմոբիլ, որը մոտենալով բեռնել է «Օպել» մակնիշի 97 OX 779 հաշվառման համարանիշի ավտոմոբիլը և տեղափոխել Ճանապարհային ոստիկանության պահպանվող հատուկ տարածք: Նույն օրը վարորդը մոտեցել է Ճանապարհային ոստիկանության պահպանվող հատուկ տարածք, որտեղ վերջինիս պարզաբանվել են ավտոմոբիլը տեղափոխելու հիմքերը և իրավախախտման էությունը, այնուհետև կազմվել է վարչական իրավախախտման վերաբերյալ արձանագրություն և կայացվել վարչական տույժ նշանակելու մասին ԱԴ 808166 որոշումը: Ս.Մինասյանը ծանոթացել է կազմված արձանագրությանը, առանց որևէ առարկություն և դիտողություն նշելու ստորագրել այն, այնուհետև ստորագրել և ստացել է որոշման պատճենը:

2019թ. փետրվարի 13-ին, իր դիմումի քննարկմանը մասնակցելու նպատակով, Ճանապարհային ոստիկանության ՃՊԾ բաժին է հրավիրվել Ս.Մինասյանը, որտեղ վերջինիս ցուցադրվել է իր և տեսուչի միջև տեղի ունեցած խոսակցության

տեսաձայնագրությունը, ինչից հետո վերջինս իր գրավոր բացատրությամբ հայտնել է, որ համաձայն է ԱԴ թիվ 741982 որոշման հետ, քանի որ երթևեկել է անվտանգության գոտին չամրակապած վիճակում, սակայն համաձայն չէ ԱԴ թիվ 808166 որոշման հետ: Դիմումատուն խնդրել է դիմումը քննարկել և արդյունքների մասին իրեն տալ գրավոր պատասխան:

Այսպիսով, կատարված ուսումնասիրություններով Ս.Մինասյանի արարքում առկա է վարչական իրավախախտումների վերաբերյալ ՀՀ օրենսգրքի 124-րդ հոդվածի 23-րդ մասով նախատեսված դեպքը, ուստի ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի

1.Ս.Մինասյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 2-րդ սպայական դասակի տեսուչ, ոստիկանության կապիտան Ա.Ղազարյանի կողմից կազմված վարչական իրավախախտման վերաբերյալ արձանագրության հիման վրա 2019թ. հունվարի 25-ին կայացված վարչական տույժ նշանակելու մասին ԱԴ 808166 որոշումը՝ Սարգիս Մինասյանին քսան հազար դրամ տուգանելու մասին՝ անփոփոխ:

2.Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3.Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Կատարող Չ.Մելքոնյան
հեռ. 011-567944

Ե.Կարապետյան